

BOSNA I HERCEGOVINA
FEDERACIJA BOSNE I HERCEGOVINE
**FEDERALNA UPRAVA ZA
INSPEKCIJSKE POSLOVE**

BOSNIA AND HERZEGOVINA
FEDERATION OF BOSNIA AND HERZEGOVINA
**FEDERAL DEPARTMENT FOR
INSPECTION AFFAIRS**

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
**ФЕДЕРАЛНА УПРАВА ЗА
ИНСПЕКЦИЈСКЕ ПОСЛОВЕ**

Fehima efendije Ćurčića br.6. 71000 Sarajevo

Id broj: 4201159630005

**Broj: 01-04-6-01755/2020-1
Sarajevo, 27.5.2020. godine**

Na osnovu čl. 100 i 110. Zakona o javnim nabavkama Bosne i Hercegovine („Službeni glasnik BiH“, broj 39/14), u postupku nabavke usluga osiguranja službenih vozila i osiguranja opreme i namještaja Federalne uprave za inspeksijske poslove po otvorenom postupku uz primjenu „e-aukcije“, Direktor Federalne uprave za inspeksijske poslove, d o n o s i

O D L U K U

o odgađanju nastavka otvorenog postupka za nabavku usluga osiguranja službenih vozila (AO + AK) i osiguranje opreme i namještaja Federalne uprave za inspeksijske poslove

I

Odgada se dalje provođenje otvorenog postupka uz primjenu „e-aukcije“ za nabavku usluga osiguranja službenih vozila (AO+AK)- /Lot 1/ i Usluga osiguranja opreme i namještaja – /Lot 2/ koji provodi Federalna uprava za inspeksijske poslove na osnovu obavještenja o nabavci broj 1292-1-2-7-3-3-/20 objavljenog na Portalu javnih nabavki dana 5.5.2020. godine, a u Službenom glasniku Bosne i Hercegovine, broj 26/20 dana 8.5.2020. godine, iz razloga što je „Osiguranje Aura“ a.d. Banja Luka dana 27.5.2020. godine podnijelo žalbu na tendersku dokumentaciju.

II

Odgada se provođenje postupka javnog otvaranja ponuda za nabavku usluga iz tačke I ove odluke zakazan za dan 27.5.2020. godine u 12,15 sati.

III

Postupak nabavke će biti nastavljen nakon donošenja odluke Ureda za razmatranje žalbi BiH po izjavljenoj žalbi „Osiguranje Aura“ a.d. Banja Luka, o čemu će ugovorni organ blagovremeno obavijestiti zainteresirane subjekte.

IV

Ova odluka stupa na snagu danom donošenja.

O b r a z l o ž e n j e

Federalna uprava za inspeksijske poslove je dana 5.5.2020. godine na Portalu javnih nabavki objavila obavještenje broj 1292-1-2-7-3-3-/20 o javnoj nabavci usluga osiguranja službenih vozila i osiguranja opreme i namještaja putem otvorenog postupka uz primjenu „e-aukcije“. Obavještenje o javnoj nabavci je dana 8.5.2020. godine objavljeno u Službenom glasniku Bosne i Hercegovine broj 26/20.

Obavještenjem o javnoj nabavci kao i tenderskom dokumentacijom je kao krajnji rok za dostavljanje ponuda određen datum 27.5.2020. godine do 12,00 sati, a otvaranje ponuda istog dana sa početkom u 12,15 sati.

Dana 27.5.2020. godine oko 8,20 sati, na službeni e-mail Federalne uprave za inspekcijske poslove je od strane „Osiguranje Aura“ a.d. Banja Luka, zastupanog po punomoćniku Stanišić Draganu, advokatu iz Banja Luke, dostavljena žalba na tendersku dokumentaciju konkretnog postupka javne nabavke.

Članom 110. Zakona o javnim nabavkama Bosne i Hercegovine je propisano da: „izjavljena žalba odgađa nastavak postupka javne nabavke, zaključenje i/ili izvršenje ugovora o javnoj nabavci ili okvirnog sporazuma do donošenja odluke Ureda za razmatranje žalbi“. Obzirom da žalba izjavljena u postupku javne nabavke ima suspenzivno djelovanje, direktor Federalne uprave za inspekcijske poslove je donio odluku kao u dispozitivu, te će se shodno odlučenom postupak nabavke nastaviti odmah nakon što budu ispunjeni zakonski uvjeti.

Ova odluka istovremeno predstavlja i obavjest zainteresovanim subjektima o odgađanju nastavka započetog postupka javne nabavke do donošenja odluke po žalbi od strane Ureda za razmatranje žalbi.



Dostaviti:

1. Adriatic osiguranje d.d. Trg međunarodnog prijateljstva 20, 71000 Sarajevo
2. Sarajevo osiguranje d.d. Sarajevo, Maršala Tita 29, 71000 Sarajevo
3. ASA osiguranje d.d. Sarajevo, Trg međunarodnog prijateljstva 25, 71000 Sarajevo
4. Euroherc osiguranje d.d. Sarajevo, Trg međunarodnog prijateljstva 20, 71000 Sarajevo
5. Advokat Stanišić Dragan, Gundulićeva 76, 78000 Banja Luka (za „Osiguranje Aura“ a.d. Banja Luka)
6. Ured za razmatranje žalbi, filijala Mostar, Vukovarska 10/I, 88000 Mostar
7. Sektor za tehničku podršku i plansko-analitičke poslove;
8. Komisija za javne nabavke (a/a).